



39311

lat komp.

I

Aug. 31. 1881 P

Teol. 3442

Rudolphi Matthiae: Quaestio theol. de habitu
gratiae sanctificantis.

Biblioteka Jagiellońska



stdr0004701



H

D

S

M

29

QVÆSTIO

THEOLOGICA,

DE

HABITU GRATIÆ SANCTIFICANTIS.

Sub Præfidijs

Admodum Reuerendi Domini

D. ADAMI OPATOVII,

S. Theologiæ D. & Profess: Decani ad Aedes

S. ANNÆ, Præceptoris
colendissimi.

A

MATTHIA RV DZKI, S. Th.

Licentiato, in Alma Academia Cracouiensi
publicè ad disputandum

PROPOSITA.

Anno reparatæ salutis M. DC. XXXV.

Mense Martio, Die Hora

In Lectorio DD. Theologorum.

CRACOVIAE,

In Officina Francisci Casary, Anno Domini 1635.

BIBLIOTHECA UNIV.



UNIVERSITATIS CRACOVIAE



Quae spectas sinuosi terga draconis in armis,
 Orbis Sarmatici munera prima gerit.
 Scilicet hinc semper prudentia peruigil: o quam
 Vertice Praefuleo Symbola digna tegi!

393M

I 62

Illustriss: & Reuerendiss: Domino,
D. IOANNI WĘZYK
Dei & Apostolicæ Sedis gratia
ARCHIEPISCOPO
Gnesnensi.

Legato Nato, Regni Primati, Primoq;

P R I N C I P I,

Domino ac Patrono clementissimo.



*VM ad Diuinum Theologiae studium animum
penitus addicerem, Illustriss: ac Reuerendiss:
Domine, atq; in eo sacratoris literatura de-
cursu, non paucos gloriosè ad palmam vide-
rim contententes; ne ipse quasi otiosus, tam
celebrium operarum spectator forem, volun-
tate eorum, penes quos autoritas muneris istius-
modi indicendi, adũ laboriosam & plenam sollicitudinis disceptatio-
nis Theologica prouinciam. Neq; verò nescio quòd opibus ingenij, in-
dustria, celeritatis, hic locus ornandus sit, quem & Maestas celestis
doctrine illustret, & autoritas peritissimorum eius scientie viro-
rum, non parũ insigniat. Sed fidentiore animo rem periculi ple-
nam aggrediar, quo magis Tuo Illustrissimo patrocinio confirmabor.
Non reformido, ne quid stulta haresum temeritas his obloquatur,
cuius Tu veteratoriam calliditatem, & sapientia Tua deprehendis,
& officij Tui perterres maestate. Ecce antiquissima, ac Illustrissima
multorum seculorum victorijs nobilitata Arma Tua, quæ non solum
me defensum abundè, vt spero, dabunt; sed si in periculum aliquod
ingenij, existimationis, vocari contingat, vel solo intuitu, vt super-*

stittiosa antiquitas fabulose quorundam arma uno ipso attactu salu-
taria credidit, me ex graui formidine poterunt vindicare. Hoc spera-
re iubet ea prudentia, quam symbolicè referunt, & sibi vendicant
Arma Tua: Idem prima etas Tua, in hoc Sacro studio exacta, &
exercitata pollicetur: Fulcit non dubia spe sacer hic Præsulei honoris
apex, quo inter reliquos eius dignitatis religiosissimos, & vigilan-
tissimos Sarmatiae Heroes superemines, non minus plurimis & maxi-
mis Tuis virtutibus, quam summe sapientiæ debitus: Bene omina-
tur nobili triumpho, meam luctam decoram fore eminentissima hac
Tua vniuersi Regni purpura, quæ decorus, prudentiâ vt grauissimus
Senator, autoritate vt patriæ Pater, fidelitate vt Cuius optimus, istis
inquam virtutibus Tuis, rem, patriam, libertatem, religionem, quasi
humeris quibusdam sustines gloriosè. His ego tutus, non solum do-
mesticorum explorandi mei gratia institutas prolusiones sum exce-
pturus, sed etiam infames, & iuratas nomini Christiano heresum
impetitiones, diuino præsidio euersurus. Quidquid labor hinc, &
assidua in eo studio contentio sit mihi data, totum id Illustriss: no-
mini Tuo deuotum esse volo, libensq; in gremio sacro repono. Non
enim ignarus sum, anne conuenientiùs & securiùs Sacre Theologiæ
pignora in alicuius sinu confidant, quàm eius, quem Gentilitium de-
cus esse voluit, labor & industria fecit, utraq; dignitas accepit sa-
pientem.

Illustriss: & Reuerendiss: Celsitud: Vestræ

ex animo deuotissimus

MATTHIAS RVDZKI,
S. Theologiæ Licentiatus.

QVÆSTIO THEOLOGICA.

Ex Prima Secunde D. Thomæ, quest: 110.

112. 113. 114.

V Sanctificantis gratiæ doctrina, causarum, Subiectiuæ, seu Materialis, Efficientis, Finalis, Formalis, ad eamq; dispositionis, disquisitione, & effectuum diductione, sufficienter tota perficiatur, nec ne?

*DE CAUSA MATERIALI
seu Subiectiua.*

CONCLUSIO I.

Gratiæ habitualis, homines ad diuini esse participationem eleuantis, propria causa subiectiua Materialis immediata, est animæ substantia, à qua in suo esse ex natura sua dependet.

B

CO-

COROLLARIA.

1. Ex quo pullulat recta doctrina, in productione gratia non esse distinguendas duas actiones, quarum altera det esse, altera inesse gratia.
2. Gratiam non produci per actionem creandi, sed simpliciter dici posse & debere, educi de potentia obedientiali animæ, seu subiecti cui immediate insit.
3. Modus ille loquendi; Gratia non creatur, sed con-creatur, usu Angelici Doctoris comprobatus, si in latiori, & non genuino sensu usurpetur, Creatio, prout dicit, non solum ex nihilo, sed quancumq; productionem, sanè potest sustineri.
4. Cum dicimus, Infunditur gratia, significamus conferri eam supra debitum & ordinem naturæ; ea quippe non ita præexistit in potentia animæ, ut in actum, virtute & adminiculo naturalis agentis, queat deduci.
5. Atq; ita gratiâ in subiecto constituta, clarè habetur, eam, quando noxæ commissione corrumpitur, non per annihilationem esse amittere.

DE CAUSA EFFICIENTE.

CONCLUSIO II.

Causam Physicameductiuam Gratia de potentia obedientiali animæ, primam & principalem esse solum Deum, communis sensus approbat.

COROL-

COROLLARIA.

1. Sacrosanctam humanitatem Christi Domini, eiusdem gratiæ eductiuam, instrumentalem, coniunctam diuinitati causam esse, per rectam illationem sequitur.

2. Sacramenta verò eiusdem gratiæ signa visibilia, ex institutione Christi ad producendam, tanquam instrumenta separata interuenire.

3. Moralem tamen & meritoriam, Dominum ac Redemptorem nostrum, totam sibi causalitatem vendicare, indubitatum manet.

4. Hanc ministeriales causa, homines scilicet, & (quando Deo placet) Angeli, externas & instrumentales gratiæ producendæ causas applicantes, mediante præcipuè ministerio verbi & Sacramentorum, executiuè complent.

5. Atq; hinc videre est, nullam efficientiam Physicam eò virium procedere posse, vt aliquorum habituum supernaturalium, per actus suos, possit causa existere.

DE CAUSA FINALI.

CONCLUSIO III.

Sicut omnis creatura, ordinatione diuina, in suum finem tendit, sic quoq; gratia omnium qualitatum supernaturalium præstantissima, ad eundem referatur necesse est.

COROLLARIA.

1. Non est igitur hic alius nisi gloria Dei, qui propter semetipsum omnia operatus est.
2. Non est nisi gloria Christi, per quem omnis sanctificatio abunde in nos deriuatur.
3. Non est nisi salus nostra, & vitæ perennis statio, ad quam per hæc dona gratiarum ordinamur.
4. Non igitur mortalis culpæ labe deformes, quæ tales, ad eum finem possidendum euehuntur.
5. Non quicumq; fanatici & obstinati sectarij, solâ non imputatione peccati, in eundem finem euolare queunt.

DE DISPOSITIONE

ad causam Formalem.

CONCLUSIO IV.

Habitus gratiæ sanctificantis vt inducatur, requirit in adultis peccatoribus de facto, tam remotam, quàm proximam aliquam dispositionem præuiam, cum libertate factam, quæ voluntatem auersam à suo fine, in eundem tendere faciat.

COROLLARIA.

1. Proinde dispositionem ultimò ad iustificationem habilitantem, non solum meram conditionem, sed etiam in suo genere veram, ac per se causam moralem esse liquet.

2. Il-

2. Illum autem actum supernaturalem, quo proximè peccator disponitur ad infusionem gratiæ habitualis, dimanare effectiue à gratia habituali, seu elici à potentia mediante habitu infuso, non mediante aliquo alio auxilio certius est; quamvis oppositum quoq; non omninò improbabiliter defendi possit.

3. Verum ad hanc dispositionem actus Fidei veræ & supernaturalis, atq; adeò iustificantis, per modum dispositionis necessariæ, utpote basis & inchoatio eorum, quæ in via iustificationis interueniunt, adulto præhabendus est.

4. Non solum autem actus Fidei, sed etiam Timoris, Spei, Charitatis, & Pœnitentiæ, atq; adeò propositum seruandi mandata Dei, per modum dispositionis certum est valere, ac etiam suo modo ad iustificationem impij prærequiri; etsi non eodem modo hæc omnia.

5. Quare, quamvis mole sua immanis sectariorum error blaterantium, sola fide gratiam acquiri, seu, ut ipsi malunt, apprehendi iustitiam, & remissionem peccatorum, hisce tamen impulsus, ruit efficacius & grauius.

DE CAUSA FORMALI

quâ informante animam.

CONCLUSIO V.

Etsi Christum per suam iustitiam esse causam meritoriam, exemplarem, & finalem nostræ iustificationis ultro concedamus; attamen hominem non per solam

reatus remissionem, aut imputationem extrinsecam iustitiæ Mediatoris nostri, quamuis toto conatu prauitas hæreticorum relaxetur, sed per veram, realem, & intrinsecam iustitiam, vnicuiq; propriam, inhærentem, Fide Magistrâ, iustificari defendimus.

C O R O L L A R I A.

1. Hæc iustificatio, quamuis pro principali dicat actionem seu mutationem positiuam; attamen includit simul remissionem peccati, quod negotium vtrumq;, moraliter & subordinatione quadam vna perficit mutatio.

2. Quinario potissimum numero effectus formales gratiæ iustificantis comprehenduntur, tantæ multitudinis, ex peccati mortalis habitualis effectibus formalibus, eisdem inseparabiliter annexis, proportionē desumptâ; Sunt autem hi: Facit iustum; delet maculam peccati; reddit amicum & filium Dei; ius confert ad vitam; sanitatem naturæ restaurat.

3. In hac igitur oppositione gratiæ & peccati, etiamsi absolutas virtutis diuinæ expendamus vires, habitum gratiæ, siue secundum se spectatum, siue cum charitate, & alijs habitibus supernaturalibus, ipsi concomitanter adherentibus, cum peccato mortali, tam habituali, quàm actuali, vt sic, subsistere non posse asserimus.

4. Virtute tamen absoluta, posse Deum per solam infusionem gratiæ habitualis, sine vllō concursu actus peccato-

catoris, remittere peccatum mortale, habituale, inficiat non eo, mente S. Doct. contentus à Caietano explicata.

5. At repugnare, ut Deus in homine eleuato ad statum gratiæ, remittat perfectè peccatum, sine infusione gratiæ habitualis, aut alterius doni, benè defenditur.

DE CAUSA FORMALI

Quà informante actus animæ.

CONCLUSIO VI.

Posse homines verè, propriè & simpliciter, per gratiam operando, tam merito ex condigno, quam congruo apud Deum mereri, iuxta sensum & phrasim, tum S. Scripturæ, tum Concilij Tridentini & Patrum, Caluino arroganti supercilio ea omnia despiciente, Catholicè dicitur.

COROLLARIA.

1. Quare sub meritum de condigno hominis iustificati cadere primam gloriam, Thomistica doctrina consona voce pronunciabis.


2. Item iustum per actus à gratia procedentes, de condigno mereri augmentum gratiæ, etiam quolibet actu meritorio remisso, sine hæsitacione à fortiori inferes.

3. At primam gratiam, etiam per amorem Dei super omnia, vel contritionem, quã se vltimum ad gratiam habi-

habitualement disponit, homini non venire sub meritum dicere, si de sensu communi loqui volueris.

4. Proinde etiam omnia auxilia sufficientia, usq; ad iustificationem formalem, non cadere sub meritum condigni, via plana deduces.

5. Tandem omnibus votis expetendam perseverantiam, quamvis iam iustificationem supponat, per orationes, & aliorum bonorum operum ad hunc finem ordinatorum frequentationem, solum de congruo homo obtinere potest, idq; non infallibiliter, cum hoc meritum certa promissione Dei non nitatur.



Laus Deo, Virginiq;
MARIAE.

Sub felicissimis auspicijs Perillustreis & Magnifici Domini, D. IACOBI NAYMANOVICZ, Iuris V. D. & Professoris, Canonici Cracoviensis, Archidiaconi Pilecensis, Academiae Cracoviensis
R E C T O R I S
vigilantissimi.

i-
d
i-
n-
to-
a-
re
L

ni-
A-
ris,
ile-

